

# ЛЕНИН ТУЙ ВYЛЭТ

(По ленинскому пути)

ВКП(б)  
Окружкомлэн,  
ВКП(б)  
Нудымкарскэй  
Райкомлэн да  
Окрисполкомлэн  
орган

## Льбтыны колхознэй руководителез коласын дисциплина

Округ пасьта не этік десяток колхоз сьэвэй культураез кэдзисэ 7—10 лунэн. Сьэтчин, кытэн колхознэй руководствон сулалэны партыйнэй да непартыйнэй большевиккез, сьэтчин дорсьэны победаез, сьэтшэм колхозсьэз кэдзисэ яровэй сьэз, кэдзисэ клевер да лён да лэсьэтчэны гэрны паррез.

Но емась ешэ кольчись колхозсьэз. Етна колхозсьэз унажык кольччэны сійэн, што колхозсьэс председателез оз возглавляйтэ передовэй колхозниккезлісь инициатива, а асьныс кысьэны отсталэй настроеннэзын.

Не этік год почти мелодзын севэн муніс Кудымкарскэй поселковэй советісь Юринскэй колхоз. А эта годэ кэдзэ жагэна. Колхозісь председатель Попов, самэй кэдзан кад разгарэ, быдса неделя пируйтис.

Поселковэй совет пасьта колхозсьэзис председателез коласын дисциплина абу. Пируйтэны сев разгарын, не этік лунэн, Подгорскэй колхозісь председатель Распопов да Деминскэй колхозісь председа-

тель Долдин. Поселковэй советісь председатель Окулов унажык фиксируйтэ ена фактсьэз, а оз пресекайт колхознэй руководителезлісь пьянствосэ, колхозниккез коласын оз нуэт агитация да пропаганда удж.

Белоевскэй колхозісь председатель Канюков, счетовод Ярков И. И., да складовщик Ярков ветлэтэны свадьбаез вылэт. Колхозын ыджыт разрыв лоэ гэрэмн да кэдзэмын. Мукэдпырся 40 гектар мындаэн гэрэм му косьмэ кэдзтэг. Учет колхозын быдэс льедзэм. Нельсинскэй колхозісь бригадир Харин Г. Ф. мукэд луннэзэ колхознэй ыббез вылэ оз вовлы. Бригада сылэн кольччэ бэра.

Колэ вылэжык льбтыны колхознэй руководителез коласын дисциплина. Колхозісь председатель да бригадир долженэсь овны одзын мунісь колхозниккез стремленнэезэн. Не места колхознэй юраліссез коласын недисциплинированностьлэ да расхлябанностьлэ.

## Первэй предвыборнэй собраннэез

Май 18 лунэ Юсьваинчулалісэ первэй предвыборнэй собраннэез. Рабочэйез, трактористт'ез, комбайнёррез, инженерно-техническэй персонал да служащэйез Юсьвинскэй МТС-ись выдвинитісэ кандидатт'езэн РСФСР Верховнэй совет депутатт'езэ: И. В. Сталинэс, В. М. Молотовэс, М. И. Калининэс да беспар-

тийнэй большевикэс, „Труженник“ колхозісь председателэс—Яков Степанович Поповэс.

Предвыборнэй собраннэ колхозниккезлэн Асановскэй колхозісь выдвинитіс РСФСР Верховнэй Совет депутатэ кандидатэн „Труженник“ колхозісь председателэс—Яков Степанович Поповэс.

Мехоношин

## Стахановецез да ударниккез сплавын

Развивайтэ стахановскэй движеннэ. Быдмэны ряддэз стахановецезлэн да ударниккезлэн.

Крохалевскэй базан скатка вылын уджалэ тракторист Баталов И. Г. лунся норма тыртэ 110—115 процент вылэ (380 фесметра туйэ 4 лунэн сетіс 1520 фесметра).

Ручнэй скатка вылын уджалэны Старкова, кедія лунся норма тыртэ 111 проц. вылэ, Кылосов Гри-

горий Николаевич лунся норма тыртэ 214 процент вылэ, Аксенов Фёдор Александрович лунся норма тыртэ 160 процент вылэ. Аксенов тэвся сезонн кераліс 1008 фесметра. Крохалев Николай Сергеевич лунся норма тыртэ 149 процент вылэ. Не йетша и емась мэдик уджаліссез, кэднйя сідэ-жэ уджалэны бура.

ЧЕТИН

## КОЛХОЗНЭЙ ДЕРЕВНЯИСЬ ЗНАТНЭЙ ОТИР

### Непартыйнэй большевик

Кык год-ни уджалэ Архангельскэй сельсоветын председателэн Ефим Иванович Кривошеков. Сія ешэ 1934 годэ большевистскэй удж сьвтэтэмэн досрочнэй финансовэй план тыртэм понда да туй керэм понда завоюйтис гэрд районнэй переходящэй знамэез. Ез повравитчы ета народлэн врагезлэ, кэдна орудуйтисэ Юсьвинскэй районнэй. И Ефим Ивановичэ председателісь чапкисэ.

Но Кривошековэс быд колхозник тедіс бытшэма, што сія преданнэй большевик, врагезкэт непримиримэй пессись, быдсэн преданнэй народнэй массаез интереслэ, колхознэй строительстволэ. Сійэ оз падмэтлы некытшэм трудность, некытшэм препятствия.

Кык год уджаліс Ефим Иванович Чинагортскэй колхозын руководителэн. Тэдтчэмэн пондис льбны колхоз, вынсьавны. Сія аслас заботливэй да преданнэй уджэн зорэтис молочно-товарнэй ферма, заводитис порсь, баля да дзодог фермаез. 1936 годэ ньэбис автомашина.

—Ме ог любит висьтасьны аслам удж йылісь. Ме уджала сідэ, кыдз тшэктэ партия да правительство, кыдз тшэктэны уджалісь

массаез. И ме обязан массаислісь доверісэ оправдайтны.

Эні кэр менэ босьтисэ бэр сельсоветісь председателэ, ме чорыта видза аслам кыин гэрд переходящэй знамяезсэ—висьтась Ефим Иванович.—Финансовэй план да дорожнэй строительство ме тырті досрочнэй. Неграмотность сельсовет пасьта ликвидируйтэм быдсэн.

Архангельскэй сельсовет район пасьта сулалэ медодзын и кэдзэмын. Куимэт пятилеткалісь первэй стахановскэй тулыс колхозсьэз панталісэ не умэля. Быдэс валі готов кыдз ыджыт бой вылэ.

—Кэдзэм одзын миян колхознэй актив пыр следитіс сы сьэрын, кытэн одажык пондас позволяйтны уджавны почваис. И кыдз токо пондис поэны уджавны, Чинагортскэй, Дойкарскэй, Архангельскэй да Сековскэй колхозсьэз петісэ выборочнэй кэдзэм вылэ,—баитэ эрт Кривошеков.—Но оз ков вувэтны и агротехника йылісь, кэда миян одзын, вылын урожай понда пессьэмын лоэ основнэй задачаэн. Кизэн да протравиттэм кэдзсэн кэдзэм—продолжайтэ сія—лоэявнэй преступленнээн. Эта дедовскэй способісь колэ откажитчыны пыр кежэ.

Недыр кежэ сія дугдывліс висьтасьны. Ветліс мэді жыриэ баитіс телефонпыр и бэра пондис висьтасьны.

—Ме ег ешэ висьтав социалистическэй соревнованнэ йылісь и кыдз долженэсь руководитны сійэн сельсоветт'езісь руководителез. Абу сія руководитель, кэда оз тэд, мый керсьэ ыббез вылын, кыдз уджалэны колхозниккез, кыдз мунэ социалистическэй соревнованнэис. Вот менам сельсовет пасьта соревнуйтчэны Чинагортскэй колхоз Федотовскэй колхозкэт, Архангельскэй—Власовскэйкэт и ме быд лунэ ыб вылын, проверяйтэмы нылісь социалистическэй договоррез. И етшэм удж методд'езэн зерно-бобовэй культураез кэдзыштисэ быд колхозын-ни.

Архангельскэй сельсовет не умэля готовитчэ РСФСР Верховнэй Советэ бэрйэммез кежэ. Сылэн уджалэны 12 кружок, кэднэ посещайтэны 750 морт. Кружоккезын чулэтэм 37 занятия.

Сідэ уджалэ ответственный пост вылын беспартыйнэй большевик Ефим Иванович Кривошеков, кэда лун и ой пессьэ сы повда, медбы дорны вилісь-вилісь победаез сельскэй хозяйствонн.

П. Колотилов

## Знатнэй морт

Полуянов Герасим Васильевич 1936 годэ Кочевскэй колхозісь колхозниккез одзын сетіс социалистическэй обязательство керавны 1000 фесметра вэр. Ассис обязательство Герасим Васильевич тыртис. 1937 годэ вэрэн сія уджаліс ешэ буржыка—кераліс 1060 фесметра.

Герасим Васильевич не токо бур уджалісь, но и талантливэй колхознэй руководитель. Кочевскэй колхозын сія руководитэ куимэт бригадээн. Бура лэсьэтчисэ куимэт бригадаись колхозниккез тулысся кэ-

дзан кад кежэ. Колхоз пасьта ета бригада мед первэй петіс колхознэй ыббез вылэ кэдзны. Май 8 лун кежэ Герасим Васильевич бригаданы кэдзис. Куимэт бригада сідэ-жэ отсаліс кэдзны и мэдик бригадаезлэ.

Полуянов Герасим Васильевич Кочевскэй колхозын—знатнэй бригадир. Колхозниккез бура уважайтэны Герасим Васильевичэс, кызэны сылісь кыч, уджалэны ударнэй.

Кудымкарскэй район, Деминскэй сельсовет.  
Дровняшин

## Примернэй бригадир

Батинскэй сельсоветісь Поносовскэй колхозісь Миусулевскэй бригадаись бригадир Климов А. А. кужис сьвтэтны удж вылэ ассис бригада и бура сійэн руководитис кэдзан кадн. Бура уджаліс сылэн конюх Климов В. Т. старик, вэвез пыр валісэ пэтэсь и готовэсь одз асылэн. Не умэ-

ля уджаліс гэрись Климов С. Ф., быд лунэ тыртис ассис норма 150 процент вылэ. Сідэ и остальнэй колхозниккез уджалісэ бура кэдзан уджын. Токо етшэм руководствонас Климов вермис кончитны сев май 16 лун кежэ быдсэн.

Тупицин

## Юсьвинскэй драмкружок

Комсомольскэй да профсоюзнэй актив Юсьва селоись организуйтис драматическэй кружок, кедія обслуживайтэ тулысся кэдзан кад.

Май 10 лунэ драмкружок сьвтэтис Мелюхинаын первэй постановка. „Враги и расправа“. Постановка сэ видзэтны вовлісэ 200 колхозник. Эта-жэ пьесаэн драмкружок май 14 лунэ ветліс Оньковскэй сельсоветэ. Пьеса видзэтэм бэрын (кедійэ видзэтис 300 колхозник) колхозниккез понда вэлі организуйтэм вечер. Колхозниккез танцуйтисэ оркестр орсэм сьэрти.

Эні кружок готовитчэ колхозсьэзэ виль мунэм-мез кежэ.

Федосеев

**ЫДЖЫТ ДА МОГУЧЭЙ**  
 миян великэй родина, невидзатанаэсь сылэн просторез, не исчерпаемэйэсь сылэн богатствоэз. РСФСР — территория, населеннэ да хозяйство сьэрти медылжыт республика миян союзын. Западнэй границаэсьянь Беринговэй морьэдз, Севернэй Ледовитэй океансьянь Кавказскэй горазэдз, Казахскэй степездз, Алтайэдз да Саянаэдз паськаланы Российскэй Советскэй Социалистическэй Республикалэн необ'ятнэй просторез. Сия занимайтэ витись нельтор быдэс миян государстволэн территория и с'ь. Этшэм ыджыт просторезын населеннэ олэ куймись кыкыс СССР-ись.

Лыддытэмэсь богатствоэз РСФСР-лэн. Ыджыт сылэн экономическэй мощь. Дасись экмьс тор угольнэй запас'ез быдэс Советскэй Союзись (1937 годэ РСФСР-ын шедтэм уголь 50 миллион тонн, 6,2 миллион тонн сьэрти 1913 годэ); витись нельэдз тор железноруднэй запас'ез (РСФСР территория вылын осытэмэсь виль богатейшэй месторожденнэез, кэдна коласын первэй места занимайтэны Курскэй магнитнэй анамалийез); куймись кык тор быдэс электроэнергия производствойсь (1936 годэ РСФСР-ын электростанцияез лэн мощность вэли 4,5-ись ыджытжык быдэс царскэй Россия сьэрти); быдэс автомобильнэй промышленность, почти быдэс хлопчатобумажнэй, перстанный да льнянэй промышленность, куйм четвертьэсь унажык металлообрабатывающэй да химическэй производство, гигантт'ез машиностроеннэын — с'етшэмэсь медыджыт показателлэз республикалэн индустриальнэй мощын.

Республиканын колхознэй ыббесэ, кэдна обслуживайтэны машинно-тракторнэй станцияезэн, бороздитэны 242 тысекасы унажык тракторез да 78 тысекасы унажык комбайнн'ез. Республика аслас ыббес вылись, кэдна имейтэ СССР-ын посевиной площадись 70 процент, сетэ эддэн уна нянь. Успешнэя мунэ шогдиз ойланьэ продвигайтэм, хлопкэс да свёклаэс виль районн'езын внедряйтэм, Заполярйезэ сельскохозйэственнэя осваивайтэм.

Республика областайтэ величайшэй вэр площадьэн мирын. Сы недраезись добывайтэзолото да платина. РСФСР-лэн исключительнэй роль миянлысь родинаэс обороняйтэмын. РСФСР мед „морскэй“ мэдик республикаез коласын. Нель советскэй морскэй флотт'ез сулалэны республикалэн берегез дьнын.

РСФСР-лэ, а сідз-жэ и быдэс Советскэй Союзлэ лозны ядроэн областез — Московскэй, Тульскэй, Ивановскэй, Ярославскэй, Рязанскэй, Горьковскэй. С'етэн находитэ союзлэн сто-

лица — Москва. Этчэ сосредоточитчэмэсь городд'ез да рабочэй поселоккез 200 мымда, 30 процент СССР быдэс промышленностись. Етысянь странаись медыллысь уголоккез мунэны автомобиллэз, экскаваторез, электровоз'ез, шарикоподшипниккез, мощной паровоз'ез, крекингез и уна мэдик машинаэз. Етасянь мунэ миллиард метрээзэн ткань.

Сотняезэн высшэй учебнэй заведеннэез, научно-исследовательскэй институтт'ез, книгохранилищэез, музейез, театррез, крупнейшэй издательствоэз, кэдна расположитэмэсь Москваын да Ленинградын и республика центрись областезын, являйтэны быдэс Советскэй Союзись кадрезлэ кузнецаэн.

РСФСР-ись общеобразовательнэй школаезын велэтчиссез 19 миллион (1914 годэ велэтчиссез вэлисэ токо 5,5 миллион). РСФСР-ись вуз'езын велэтчэны 341 тысека морт, куймись унажык Англияись, Германияись да Италияись этлаз босьтэм сьэрти. Джиныс том уджалиссез коласись Москваын, Ленинградын, Горькэйын, Свердловскын имейтэны образованнэ не йетшажык 7 группасы.

Огромнэйэсь кадрез миян советскэй интеллигенциялэн. Тэн рабочэйез да крестьяна — талун ния управляйтэны мощнейшэй заводд'езэн, адззывтэм стройкаезын, велэтчэны академияезын, лозны полководцеэзэн да ученэйезэн. Берегитэмэн быдмэны кадрез интеллигенциялэн братскэй народд'езлэн. С'етчин, кытэн эз вэз нельки письменность, эн эмэс асланыс врачез, агрономмез, инженерез. Примерэн еталэ вермасэ лоны с'етшэм народносттез, кыздэ ненецез, остяккэз, чукчаэз да уна мэдиккэз.

РСФСР-ын северо-западнэй сулалэ Москва бэрын страналэн мэдэдз промышленнэй да культурнэй центр город Ленина, кэда располагайтэ общесоюзной значеннэя машиностроительнэй, химическэй, текстильнэй заводд'езэн да фабрикаезэн, крупнейшэй портэн, важнейшэй научнэй учрежденнэезэн, крупнейшэй вуз'езэн, культура да искусство очаггезэн. Республикалэн северо-запад ножалым Баренцовэй море дьнэдз. Покоритэм малолюднэй бездорожнэй тайга: большевиккэз осьтись Кольскэй полуостровлэсь таёжнэй богатствоэз. Естэн шедтисьэны апатитт'ез, никель, медь, шоч металл'ез. Тайгаын явитчисэ виль заводд'ез, комбинатт'ез, электростанцияез, вэр чашья пыр водись электрофицированнэй кэртвэй туй. Ленинградсьянь ой вылэ тайга пыр да дикэй скалаез пыр осытэм виль туй — Сталин нима Беломорско-Балтийскэй глубоководнэй канал. По-

# РСФСР

лярнэй круг сайын апатитт'ез месторожд'нвээз вылын быдмис виль социалистическэй город Кировск.

РСФСР-лэн северыс, кэда кытшэвтэ Советскэй Союзись европейскэй частылись куймат торсэ, Карелиялись, Архангельскэй областись вэррезэ, Мурманскэй побережьёлись рыбнэй промыслоезэ и сідз одзлань, страналэ сетэ ыджыт богатствоэз и медперво вэр. Естэн расположеннэйэсь дас'ез морскэй портт'ез лесопильнэй заводд'ез миян медыджыт портовэй лесопильнэй городэн — Архангельскэн.

Республикалэн северыс — сылсэ восточнэй частысэ — справелливэя пуэны „валютнэй цехэн“. Вэр, вологодскэй ви, бумага, морскэй зверь, пушнина, замша сетэ республикалэ ета крайыс.

Республикалэн богатствоэз неисчислимэйэсь. Москва сянв рытланьэ кыссьэны мирись медбур лённ'езлэн ыббес. Естэн Калининскэй да Смоленскэй областезын сосредоточитэм ета драгоценнэй культурарыслэн общесоюзной площадьлэн куймат частыс. Москва сянв лунланьэ куйлэны черноземнэй, плодороднейшэй муез (Орловскэй, Тамбовскэй, Курскэй, Воронежскэй областтез). Царскэй кэда „оскуделэй“ сельскэй хозяйстволэн край, „подтянутэй губернияезлэн“, „пустопорожней волосттезлэн“, и „Неелова, Горелова“ деревняезлэн край, дуовэй гэррезлэн эн — РСФСР-ись медплодороднэй край, богатэй промышленностылэн металлургиялэн, машиностроеннэезлэн, синтетическэй каучук производстволэн край.

Нянь, руда, меххез, кучиковэй изделияез, киноплёнка, Куйбышевскэй карбюраторрез, саратовскэй комбайнн'ез, сталинградскэй тракторрез, машинаэз, лесоматериалл'ез, астраханскэй рыбнэй изделияез — Полковожьелэн с'етшэм разнообразнэй продукция. Вэрлэн, нефтьлэн, няньлэн, совлэн, черилэн мощной грузопотоккез мунэны виль промышленнэй Волга кузя. Ыджыт Волгалэн ыджытэсь перспективаэз. Скоро сия лоас великэй воднэй туйлэн звеноэн, кэда этлаэтас республикаись северсэ югкэт. Гигантскэй канал Волга-Москва токо ета великэй туйлэн начало, кэда чертитэм ёрт Сталинэн.

Шахтинскэй шом, майкопскэй, грозненскэй да дагестанскэй нефть, орджоникидзэнскэй цинк, новороссийскэй цемент, ростовскэй да краснодарскэй машиностроительнэй заводд'ез, керченскэй металлургическэй, кубанскэй шогд, черноморскэй да крымскэй побережьёлэн сэдд'ез да виноградниккэз, хлопк, табачнэй плантацияез

— славитэны крайсэ да республикались шондья югсэ.

Гордостьэн и славаэн РСФСР-ас лоз Урал — миян богатейшэй горнопромышленнэй районн'езлэн край. Урал представляйтэ „богатствоэзлэсь с'етшэм комбинация, кытшэмэ озпозь адззыны этик странаын“ (Сталин). Кэрт, марганец, никель, хром, медь, цинк, свинец, нефть, шом, золото, платина, мрамор, драгоценнэй галез, дас'ез мэдик ископайемэйез — Ураллэн сказочнэй сокровищэез — машинаэз химическэй промышленносты, вэр крайлэн, гигантскэй промышленность — Уралмаш, Челябинскэй тракторнэй, Магнитогорскэй комбинат крайлэн, крайлэн, кытэн сулалэ союзись мэдэдз угольнометаллургическэй база — Урало-Кузнецкэй комбинат.

Гигантскэй юез, кэдна пределтэмэсь вэрэн, золотолэн да цветнэй металл'езлэн богатейшэй месторожденнэез, Ледовитэй океан побережьё вылын виль морскэй портт'ез (Севернэй морскэй путьлэн базаэз), Красноярсклэн, Иркутсклэн виль машиностроительнэй заводд'ез. Улан — Удэневна токо характеризуйтэ Восточнэй Сибирлись богатствоэз. Владивостоксьянь Тихэй океан кузя Беринговэй проливэдз кыссьэ Дальневосточнэй край — Тихэй океан вылын социализмлэн несокрушимэй форпост. Кэты и сия том, ДВК переживайтэ необычайнэй расцвет да под'ем. Вековэй тайгаын этик мэдик сьэрын быдмэны виль городд'ез — Амур вылын — Комсомольск, Охотскэй морё вылын Магадан, Куйбышевка, Виробиджан. Судостроительнэй верфиез, машиностроительнэй, цементнэй заводд'ез, шахтаэз да рудниккэз, нефтяннэй промыслоез да золотэй приискаэз, рыбокомсервнэй заводд'ез да лесопильнэй заводд'ез железнодорожнэй магистраллэз да шоссеинэй туйез — с'етшэм ДВК-ись цветущэй народнэй хозяйстволэн облик.

РСФСР-лэн богатствоэз огромнэйэсь. Но не токо сийэн определяйтэ миян странаын Российскэй республикалэн значеннэыс. Главнэйыс, мыйэн определяйтэ миян социалистическэй государстволэн политическэй оланын РСФСР-лэн местаыс да рольыс, ета сия, што нацияэз составэ, кэдна населяйтэны Россияиськэй республикаэс, пырэ великэй русскэй народ — современнэй эпохаись этик мед культурнэй да передовэй народ. Русскэй народ человечестволэ сетис с'етшэм генийез, кыздэ Ленин да Горький. Русскэй народ коласись петисэ дас'ез гениальнэй ученэй иез, писателлэз, поэтт'ез, музыкантт'ез, политическэй

деятеллэз, полководецез, Свободолюбивэй, героическэй, талантливэй русскэй народ гижис человечество историяэ самэй яркэй, самэй замечательнэй страницэз.

Ёрт Сталин ешэ август 1917 годэ великай шэй предвиденнээн висьтались уверенность, што „именно Россияись лоз странаэн, кэда писькэтэ туй социализм дьнэ“.

„Мийэ тырэмэсь национальнэй гордостьэ чувствэн“, — гижлис В. И. Ленин 1914 годэ, — ибо великорусскэй нацияыс тожэ создайтис революционнэй классэс, тожэ докажитис, што сия способнэй сетны человечестволэ свобода да социализм понда пессьэмын великэй образецэс“.

Русскэй народ — миян странаын самэй многочисленнэй — первэй утвердитис советскэй властысэ и отсалис сьэбарын российскэй империяись мукэд народдэз освободитэмлэ, отсалис нылэ уджалиссезлэсь власть сувтэтэмын, дорйис ета народдэзлэсь свобода империалистт'ез посягательстволэ паньт аслас вынэн да аслас вирэн. Русскэй народлэн революционнэй смелость да размахлэз широтаныс, кэдна адзисэя яркэйжык вьраженнэ В. И. Ленин личностын да ученнэын, привлекайтисэ ас дьнаныс быдэс угнетённэй человечестволис симпатияэ; русскэй народлэн великэй пример саймэтис светись быдэс народдэзэсь лэбтыны асланыс свобода понда пессян знамя.

Русскэй народлэн революционнэй слава пырэылэ 11 республикаэз пределлэз сайэ. Сия Испанияись республиканскэй боецезлэ сьэлманыс пьртэ уверенность и лэбтэ Китайись национальнэй армияезлэ боевэй дух. Сия этэ мэдик странаэзись угнетённэйэс революционнэй пессьэм вылэ. Этэ славасэ эз тэд ешэ мирись этик народ!

Русскэй народлэн интернационализм получитис РСФСР строятэмын ассись выраженнэсэ.

Российскэй республика, кэда населяйтэны дас'ез национальностт'ез, сетэ аскэтгыас народдэзлэсь социалистическэй дружба образец. Ета йылис яркэя свидетелствуйтэ федерациялэн государствэннэй устройство. Сы составэ пьрэны 17 автономнэй республика, 6 автономнэй область, 12 национальнэй округ. Этик Дальневосточнэй крайын лыддиссэ 18 национальностыс. Бьдэнлэ, нельки самэй малочисленнэй национальностылэ обеспечатэм возможностьэ свободнэй развития, самостоятельнэй управленнэ.

Вот, например, Марийскэй АССР. Русскэй народкэт братскэй содружествоннэй судзэтис замечательнэй успеххэз.

Сьетчин, кытэн вэлисэ непроходимэй вэррез, быдмисэ сьетшэм гырись пред-

Окончанный 3-т лисбокын.

# РСФСР

(Окончание)

приятная, кызд Юринскэй кожевенной комбинат, Лопатинскэй деревообработывающей завод, Красногорскэй да Йокшар-Олинскэй лесозаводдзез. Живописной Волга берег вылын воздвигнутэ йэ сь Марийскэй бумажной комбинатлэн огромной корпуссез.

Вежисе Марийскэй деревнялэн облик: 88,8 процент крестьянскэй хозяйствозе этлаасисе колхоздзез. Дедовскэй гэрсе да косулясе вежисе 1010 трактор, 109 комбайн и уна мэдик сложной сельскохозяйственной машинаяз. Колхоздзез обслуживайтсены 19 МТС-эн. Колхозной деревнян быдмисе виль морттдзез, социалистическэй земледелиялэн высококвалифицированной работникез. Республиканы 1280 тракторист, 118 комбайнер, сотняез механикез да агрономмез.

Быдмэ форма сьэрти национальной да содержанной сьэрти социалистическэй культура. Революциядз марийскэй народ коласын вэлисе 16 процент грамотной мужиккез и кык процент грамотной женскэй йез. Эви республика территория вылын уджаланы 511 начальная школа, 137 неполной да шэрет школа, кык вуз, дася унажык педагогическэй училищез. Селозын емась 220 избачитальня, 150 колхозной клуб, дасдзез библиотекаез да киноустановкаез. Неграмотностьсэ окончательная ликвидируйтсэ.

Мукэд националистическэ дзез кэдна эшлисе, царизм дырни кувлисэ, буквальной возрожденнойсэ олан динэ. Сидз, например, Татариян да Удмуртиян довоен-

ной кад сьэрти (1910 год) смертностьсэ чинис кыкисе. Вот мыла быдэс националистическэ пятайтен русскэй народ дынэ—национальной политикалис Ленинскэй-Сталинскэй принципез героическэй нуэтисезлэ искренней любовь, уважайтены сылис революционвой традицияез, вылына ценитены сылис богатейшей культура, одзасаланы сылис опыт враггезкэт пессемян, гумаланы социализм строитэм понда знаннэез.

Кинлэ русскэй народыс обязан коммунизм понда пессемян аслас последовательностьэн? Етэн сия обязан коммунистическэй партиялэ, кэда руководство увтын сия одержитис аслас освобожденнэ да мэдик народдзез раскрепощеннэ понда пессемян победаез. Сы руководство увтын сия этлаын мэдик народдзезкэт построитис социализм. Сы руководство увтын, мэдик народдзезкэт союзын, сия ликвидируйтис народлэ враждебной партияез да теченнэез и успешная. вийлэ нылис презренной остатоккесэ—фашизмисэ агентурасэ.

Единой большевистскэй партия руководство увтын развивайтчикэ, кэдэн руководитэ великэй Сталин, РСФСР-ись народдзез этлаын остальной дас советскэй республикаезисэ народдзезкэт крепитэ великэй Советскэй Союз.

Советскэй народлэн несокрушимэй моральной да политической единство ярчайшэй примерэн лонисе СССР Верховной Советэ бэрйэммез, кэдна чулэтэм э сь победивцей социализмлэн Сталинскэй Кон-

ституция основа вылын. Коммунистдзезлэн да беспартийнойдзезлэн блок одержитис величайшей победа. Некэр и некытэн, этик странаын, этик буржуазной правительство ез получайтлы голоссезлэсь сьэтшэм количествомэ, кытшэм вэлэ сетэм коммунистдзез да беспартийнойдзез сталинскэй блок понда, большевистскэй партия понда, советскэй правительство понда. Большевистскэй партиялэн да советскэй правительстволэн ленинско-сталинскэй политика виль величайшей торжественноез союзной да автономной республикаез Верховной Советэ локтан бэрйэммез. РСФСР—равной Советскэй республикаез созвездия коласын первэй—локте бэрйэммез дынэ виль победаезэн, сь богатжыка да яркэйжыка цветитены сылэн индустрия, сылэн сельскэй хозяйство, сылэн культура. Кыисе киз аслас пэрисыжык вонкэтмунэны победаез туй кузя быдэс советскэй да автономной республикаез.

Миллиондзез партийной да непартийной большевикезлэн, Ленинскэй типа государственной деятельлэез воспитайтис Ленинлэн—Сталинлэн партия. Бэрйены ны числоисе достойнойжыккесэ—избирательной кампаниялэн центральной задача. И етэ задача сэрэшитэмын быдэс СССР-ись уджалисез пондасэ босыны пример равной республикаезисэ первэйлисэ, сы великэй русскэй народлисэ, кэда героическэй тыртэ свободной социалистическэй республикаезлэн сталинскэй семьян ассис ведущей роль.

**Дизельные тракторы на стройках.**  
Новые дизельные тракторы Челябинского Тракторного завода имени Сталина нашли широкое применение на бакинских нефтяных промыслах.

Дизельный трактор работает на тяжелом топливе, которое на 70—80 процентов дешевле нефте-топлива. Горючего дизельный трактор расходует значительно меньше.



НА СНИМКЕ: Дизельный трактор на постройке вышек на промысле „Азизбековнефть“.

## Миян задача отсавны кольтчись колхоздзезлэ

Крохалевскэй сельсоветисэ (Юсьвинскэй район) колхоздзез тулысся кэдэн кад кежэ лэсэзатчисэ бура. Кэдзис сию вэлэ своевременная сортируйтэм да триеруйтэм. Сельскохозяйственной инвентарь вэлэ ремонтируйтэм досрочно да бур качеством. Сидз-же вэлэ проверитэм кэдзислэн всхожесть куймисэ. Производственной пландзез вэлэсэ проработайтэмась колхозниккез коласын. Быд колхозник да колхозница тэдисэ, мый ния пондасэ керны кэдэн коста. Колхоздзезын кэдэнэдз вэлэсэ пробной выезддзез, кэдна мыччавлисэ бур результатдзез: Отсэт сьэтэм понда колхоздзезэ вэлэ прикрепитэм сельскэй актив.

Сельсовет пасьта колхоздзез пондэтисэ массовой кэдзэм май 2 лунсян. Колхоздзезисэ да сельсоветисэ бур руководствосыня да кэдэн кежэ бура лэсэзатчэмыня мукэд колхоздзез зерновой культураезлисэ кэдзэм кончитисэ 9 лунэн.

Урмановскэй колхоз (председатель Кылосов А. И.) зерновой культураезлисэ кэдзэм кончитисэ 9 лунэн. Етэ успехсэ мыччалисэ бура уджалисэ колхозниккез. Колхозник Кылосов А. А. гэрэм сьэрти лунсэ норма быд лун выполняйтисэ 131 процент вилэ. Пинялисэ Кылосов Г. А. норма выполняйтисэ 120 процент вылэ, Зырянов А. С.—126 процент вылэ, Кылосов С. Н.—113 процент вылэ.

Афонинскэй колхоз (председатель Крохалев П. И.) зерновойдзезлисэ кэдзэм сидз-же кончитисэ 9 лунэн, кэдзис 138 га. Эта колхозын сидз-же емась стахановецез. Крохалев Н. Я. кэдзэм лунсэ норма выполняйтисэ 175 процент вылэ, Кылосов Е. С. пинялэмэн—130 процент вылэ, гэрисез Аксенова Т. О. да Кылосова И. С.—150 процент вылэ.

Крохалевскэй колхоз (председатель Якимов) май 12 лун кежэ кэдэн план тыртисэ 86 процент вылэ. Крохалевскэй колхоз кэдэн коста уджалисэ древесины скатка вылын. План скатка сьэрти выполнитисэ 165 процент вылэ. Древесина скатка вылын стахановецез Крохалев Н. С., Крохалева А. М. да уна мэдиккез.

Но емась и сьэтшэм колхоздзез, кэдаезисэ руководителлэз умэля сьэтэтисэ руководство колхозын, ез организуйтэ колхозниккезэ чожажыка кэдэн план тыртэм вылэ. Подволошинскэй да Стариковскэй колхоздзез кыссьэны бэрэн.

Миян одзын эни сулалэ задача, медбы чожажыка кончитны кэдзэм сельсовет пасьта, полчитны вылын урожай да л'ебтыны уджлунилсэ дон. А этлаын етакэт бура готовитчыны РСФСР Верховной Советэ бэрйэммез кежэ.

**Сельсоветисэ председател Кылосов.**

Агроном Мингалев.

## Нечаев срываитэ кэдзэм

Нагорскэй колхозисэ Мущыбскэй бригада (Кудымкарскэй поселковэй совет) должен кэдзны 40 гектар, а кэдзис токо еше 15 гектар. Бригадын 10 вэз, ем и морт вын, но 10 лунэн кэдэн план выполнитисэ токо 33% вылэ. Кэдэн машинаэн колхозник Гуля-

ев кэдэ мукэд лунэ токо 0,86 гектарэн. Бригадир Нечаев оз моблизуйт колхозниккесэ удж вылэ, сия ачыс узь дыр. Колхозниккез коласын оз нуэт некытшэм массовой удж. Нечаев срываитэ бригадалисэ удж.

Под'янов

## Театральнэй сезонлэн оссьэм

Гожумся сад да театр предполагайтчэ оссьыны май 30-эт лунэ.

Фабрика кухняисэ дирекция организуйтэ садын ресторан, кытэн лоас вджыт ассортимент блюдозлэн да закускаезлэн.

Горький нима гортеатр сезон осьтэ Л. Карасевлэн пьесаэн „Огни маяка“ постановкасэ режиссируйтис Ю. П. Чернышев. Садын пондас орны духовой оркестр да баян. Окружнэй библиотекалэ садын колэ организуйтны постояннэй

читальня свежэй газетазэн да журналлэезэн.

Умэль токо сия, што Кудымкарисэ мукэд организацияез театрлэ сад осьтэмын оз отсала, лыддэны етэ не асланыс делоэн. А садис-ед Кудымкарын являйтчэ единственной и обшней достояннээн быдэныс понда. Умэля отсалэ и поселковэй совет. Сия-ед вермис бы сетны средстваез садын массовой удж оживитэм понда, кэдна вылэ позис керны озелененнэ да вждэтны сад площадсэ.

Гожумся сезон кежэ ре-

пертуарэ театр вклучайтэ сьэтшэм пьесаез: Шкваркин—„Простая девушка“, Бил-Белоцерковскый—„Пограничники“, Мэйо—„Сынишка“ и мэдиккез.

Эни быд лун чулэтчэ абонементтдзез да билеттдзез вузалэм. Местнэй профсоюзной организациязэ исэ председателлэзлэ колэ отсавны театрлэ зрителлэез организуйтэмын да вовлекитны асланыс союзисэ члендзезэ, медбы ния босытисэ абонементтдзез.

Н. Свечков

## Драмтеатрлэн концерттдзез

М. Горький нима гортеатрисэ актерезлэн кык художественной бригадалэ мунисэ округисэ райондзез колхоздзезэс культу рнэ я обслуживайтэм понда.

Первой концерттдзез вэлэсэ Москвинскэй МТС-ын, Самчиковскэй колхозын, Юрлаын да мэдик местаезын.

Н. С

## Бур пример

Окрбольницаисэ терапевтискэй отделеннэын уджалэ врач эрт Неберо О. Н.

Ольга Николаевна Неберо эддын опытной врач. Локтэ больницаэ аскадэ, мунэ больницаисэ 4—5 часын. Ыджыт вын пуктэ Ольга Николаевна, медбы чожажык лечитны больнэйсэ. Обходддзез кадэ Неберо больнэйезкэт относит-


чэ кызд учэт какакэт мам. Кэр локтас ойнас, проверитас быдэс больнэйезсэ, кытшэм ния состояннэын. Бура ухаживайтэ больнэйисэ гэгэр.

Мэдик врачезлэ да сеэтраезлэ колэ босыны уджын пример Неберосыня.

Наумов

## Укрепим оборону СССР.

В центральном аэроклубе УССР (Киев) учлеты заканчивают без отрыва от производства теоретический курс школы пилотов



НА СНИМКЕ: Преподаватель т. П. С. Шупин проводит занятия по изучению приборов самолета с группой учлетов-отличников.

Фото Л. Шульмана („Прессклише“—Союзфото).

## Государственной заём облигацияез долженесь лоны подписчиккез киезын

Июнь 5 лунэ Минский повдас мунны „ССР Союз Оборона крепитан“ заемлэн первэй тираж. Ета кад кежэ облигацияез долженесь лоны быд подписчик кийн. Однако мукэд организацияез да сельсоветт'ез облигацияез видзэны кияныс, мый понда 147 участокея нарсуд май 9 лунэ судитис В-Юсвинскэй сельсоветис председателльис заместителльес А. И. Вилесовэс и привлекайтсьэны ответствен-

ностья Крохалевскэй базись гл. бухгалтер Г.И. Ярусов, Тукачевскэй базись гл. бухгалтер М. Е. Комаров да бухгалтеррез Л. М. Катаев и Михайлов.

Учрежденнеезис да предприятияезис бухгалтеррез, руководителлез да сельсоветт'езис председателлез долженесь облигацияезэ эни-жэ сетны подписчиккез киезэ.

Васькин

## Суровзя накажитны преступниккезэс

Кудымкарскэй „Фабрика-кухня“ столовэй орудуйтисэ жуликкез, кадна систематическэя гусявлисэ, присваивайтисэ общественной социалистическэй собственности, мый сянь токо этик 1937 годэ керисэ растрата 30337 руб 60 коп. вылэ да мынтисэ штраффез 12134 руб.

Складовчик Кынкурогов керис растрата 19133 руб 60 коп, кытисэ привоитис аслыс 5129 руб. Медбы сайэвтны етэ преступнэй делосэ, Кынкурогов сливочэй ви туйэ сетлис искусственной маргарин, сахар туйэ сахарнэй песок, мэй й туйэ гижлис порсьй, счотт'ез фактуруйтлис кык пэв и сидз одзлань. Ета йылисэ бура тэдисэ бухгалтер Кудымов В. В. да сылэн помощник, но ета вылэ способувйтисэ. Буфетчица Коноплева А. И. систематическэя гусявлис продуктаез буфетчица Путивались, кадылэн лоис растрата 13926 руб 69 коп.

Калькулятор Бурдов Н. И. калькуляцияез аскадэ ез сувтэтлы и продуктаезлись ценаезэс ез контролируют, требованнеез ез гижлы, мыйсянь производство кузя лоис растрата

2551 руб 47 коп. и неизвесно киян полчитэм складисэ товар 22814 руб вылэ. А старшэй бухгалтер Кузнецов А. Н. удж дывэ относитчис халатнэя, безответственная, грубая нарушайтлис финансовэй дисциплина, мыйсянь незаконнэя расходуйтэм 159103 руб 88 коп., кэдэн нарушайтлис „фабрика-кухнялись“ удж и способувйтисэ растратаезлэ.

Медбы столовэй кузя да склад кузя етэ растратасэ сайэвтны, Кузнецов сетис Бурдовлэ распоряженнэ гижны акт и ачыс, аслас киян, кэр пондис растратасэ списывайтны, акт вылас содтис ешэ 5755 руб 61 коп. мыйсянь акт вылас содис 11757 руб 61 копейкаэдэ.

Бидэс етна жуликкез сетэмэс судэ. Кынкурогов Н. П. да Коноплева А. И. привлекайтсьэны 116 статья сьэрти, Путина М. Ф., Кудымов В. В., Бурдов Н. Л. 111 статья сьэрти, а Кузнецов А. Н. 109 статья сьэрти.

## Босьны не йетшажык 18,5 центнерся гектарись

Таво ыджыт энтузиазмэн колхозниккез панталисэ тулысья кэдзан кад. Шорйивскэй колхозись (Отевскэй сельсовет) первэйся бригадансь бригадир Каравасв Иван Фёдорович босьтис обязательство медбы 1938 годын босьны гектарись 18,5 центнер. Каравасв медис керны пробнэй крестовэй сев, но председателль Коньшин Андрей ез л'едэ. И сидз метод Каравасв ассис ез применит.

Колэ висьтавын, што Коньшин мунэ паныт агротехническэй правилаез вылэ. Оз старайтчы л'ебтыны вылын урожай.

П. С. Нечаев

## Кэдзны токо сеялкаезэн

Кувинскэй сельсоветис Ярославскэй колхозын (Кудымкарскэй район) кэдзисэ 10 центнер не протравитэм сю кэдзисэ. Ета-жэ колхозын май 13 лунэ М-Сидоровскэй бригадын кэдзан машина сулалис весь, а кэдзисэ киезэн. Киезэн кэдзэны не токо ета колхозын. Катаевскэй колхозын (колхозисэ председателль Климов) да Гороховскэй колхозын (колхозисэ председателль Савельев) сидз-жэ кэдзэны киезэн. Кэдзан машинаез оз исползуйтчэ.

Кудымкарскэй районисэ агрономез агрохника правилоез выполняйтэм оз следитэ. Мукэд колхоз'езас кэдзэнтис абуна вовлэм этик агроном.

Зеленин

## Клевер да лён оз кэдзэ

Кудымкарскэй районисэ Нельсинскэй колхозын вит бригада. Медбэрын кэдзэмын мунэ первэй бригада, кэдзан план выполнитис 70 проц. вылэ. Бригадир Харин Г. Ф. уджалэ умэля. Май 9 лунэ ез и петав ыббэс вылэ. Май 11 лунэ пируйтис. Зерновэй культураез, мукэд бригадаез, кэдзисэ чуть не бидэс-ни, а лён да клевер кэдзны ез-на кутчывлэ.

Харин

## Поправка

Май 18 лунэ „Ленин туй вылет“ газетын кыкэт полосаын, сев йылисэ сводкаын заголовокас печатайтэм: „Май 16 лун кежэ округ пасьта кэдзэм 87081 гектар“.

Колэ лыддыны: „Май 16 лун кежэ округ пасьта кэдзэм 67081 гектар“.

## Футбол

### „Динамо“—лесотехникум

Судья Филатов сетис свисток. Футбольнэй полэ вылэ петисэ „Динамо“ да Лесотехникум командаез. Приветствилэз бэрсянь капитанвез здоровайтчисэ судьякэт да эта-мэдкэт. Жеребёвка сьэрти „Динамо“ командалэ сюрис орсны тэв паныт.

Стремительнэй темпэн пондэтис орсэм „Динамо“ команда. Нападенысь левэй край—Чаузов то и дело сеталис лентазэ Лесотехникум ворота дывэ, но Лесотехникум командалэн защитниккез—В. Т. Мелехин да Н. Агишев прекраснэй отбивайтисэ мячэс.

Но тэдчис сётэки динамовецезлэн превмуцество. 35 минута вылын Лесотехникум воротаэ пирыс первэй гол.

Тайм конечэдэ кольччис нель минута. Кыкнан командаис нуэтисэ энергичнэй орсэм. Мячэ овлис кыкнан ворота дывын, но результаттэг. Первэй тайм окончитчис результатэн: 1:0 „Динамо“ пользаэ.

Шоччисьэм бэрын орсэм пондис мунны ешэ оживленнэйжыка. Город кузя медвына „Динамо“ команда ез л'едэзлы аслас ворота дывэ „противникэс“—

Лесотехникумлисэ том командаэс. Шоч прорыввез Лесотехникумлисэ бытшэма отражэйтисэ защитниккез Пузырев да Изотов. Мяч пыр овлис „Динамо"скэй" нападены дывын.

„Болельщиккез“ видзчисисэ мэдик таймын ыджыт счот „Динамо“ командаэс. Но „Динамо"скэй" нападенылэ мешайтисэ „противниклэн“ защитниккез. Особэя колэ отметитны Мелехинэс, кадия успевайтисэ быдлаын. Колэ висьтавын сидз-жэ, што не точнэй ударез вэлисэ „Динамо“ нападенылэн. Унаис мяч л'ебалис ворота вездэрэттис да штангаез боккезэттинис, но не кыдз ез пыр воротаэ. Токо одиночнэй прорывэн мэдик тайм конечэдэ „Динамо"скэй" нападены вермис вартны Лесотехникум воротаэ ешэ кык мяч.

Сидз мэймуся тулысья победитель—„Динамо“ команда одержитисэ май 18 лунэ первэй победа 1938 годэ тулысья розыгрышы. Нылэ кольччэ орсны ешэ нель командакэт. Лоас-ли „Динамо“ победительэн и ета годэ, позяс висьтавын „Спартак“ пергэй командакэт да „Лесосплав“ командакэт орсэммез бэрын.

П. Колотилев

## Счетовод учот оз нуэт

Кэдзика колхознэй счетоводлэн обязанность бура сувтэтны колхозны учот, медбы колхозниккезлэн ез эч этик уджлун. Но не сидз керэ Долдинскэй колхозисэ (Кудымкарскэй район Кузвинскэй сельсовет) счетовод Истомин. Май 8 лунэ мунис Куваэ да с'ет-

чин пируйтисэ май 13 лунэдэ. Колхозисэ председателль Четин ез примит некытшэм мераез. Тэдэ ета йылисэ и сельсоветисэ председателль Борисов.

Колхоз кэдзэ кык неделни, а кэдзан план ез выполнит.

Зеленин

Врид. ответственного редактора Е. Ф. Мехоношина

## Кудымкарское педагогическое училище Объявляет

Прием в 1-е классы школьного и дошкольного отделений.

Принимаются лица, окончившие неполную среднюю школу в возрасте от 15 до 35 лет.

Заявления подавать в адрес директора педучилища с приложением документов:

1. Об окончании Н. С. Ш.
2. О возрасте.
3. О здоровье.

Заявления принимаются до 15 августа.

Испытания начинаются с 15-го августа по предметам: 1) Коми языку (устно и письменно); 2) русскому языку (устно и письменно); 3) арифметике (устно и письменно); 4) алгебре (устно); 5) географии и геометрии (устно).

Отличники принимаются без испытаний.

Принятые обеспечиваются общежитием и стипендией в 1 классе от 55 до 65 руб. по успеваемости.

Дирекция

Утерянный воинский билет на имя Мехоношина Гаврилы Захаровича, дер. Жак-Ключ Верховского сельсовета, считать недействительным.